



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 20 » sentabr

№ 588

Toshkent sh.

Маҳаллаларда жамоат тартибини сақлаш бўйича қўшимча чора-тадбирлар тўғрисида

Ўзбекистон Республикаси Президентининг “Давлат томонидан тартибга солинадиган соҳаларга хусусий секторни жалб этиш бўйича қўшимча чора-тадбирлар тўғрисида” 2020 йил 7 декабрдаги ПҚ–4913-сон қарори ижросини таъминлаш, шунингдек, маҳаллаларда тинчлик, осойишталик ва хавфсизликни таъминлаш, жамоат тартибини сақлаш чора-тадбирлари самарадорлигини ошириш мақсадида Вазирлар Маҳкамаси **қарор қилади:**

1. Қуйидагилар:

Ўзбекистон Республикаси Президентининг “Давлат томонидан тартибга солинадиган соҳаларга хусусий секторни жалб этиш бўйича қўшимча чора-тадбирлар тўғрисида” 2020 йил 7 декабрдаги ПҚ–4913-сон қарорида фуқаролар йиғинларида тинчлик, осойишталик, хавфсизликни таъминлаш, жамоат тартибини сақлаш, фуқароларнинг мулкига бўлган тажовузларнинг олдини олиш мақсадида барпо этилган айрим “Жамоатчилик назорати масканлари”ни (кейинги ўринларда – масканлар) **эксперимент тарикасида** видеокамералар ўрнатиш шарти билан тадбиркорлик субъектларига ижарага бериш, улар негизида “Электрон кузатув масканлари” фаолияти ташкил этилиши;

Ўзбекистон Республикаси Президентининг “Ер муносабатларида тенглик ва шаффофликни таъминлаш, ерга бўлган ҳуқуқларни ишончли ҳимоя қилиш ва уларни бозор активига айлантириш чора-тадбирлари тўғрисида” 2021 йил 8 июндаги ПФ–6243-сон Фармонида мувофиқ давлат-хусусий шериклик лойиҳалари ва ижтимоий фойдали мақсадларга эришишга қаратилган лойиҳаларни амалга оширишда ер участкалари давлат ташкилотига доимий фойдаланиш ҳуқуқи билан ажратилиши, ушбу ерлар давлат-хусусий ёки ижтимоий шериклик тўғрисидаги битимнинг амал қилиш муддатига хусусий шерик, нодавлат нотижорат ташкилоти ва фуқаролик жамиятининг бошқа институтларига ижарага бериш мумкинлиги белгиланганлиги маълумот учун қабул қилинсин.

2. Ўзбекистон Республикаси Ички ишлар вазирлиги, Миллий гвардия Маҳалла ва оилани қўллаб-қувватлаш вазирлиги, Ахборот технологиялари ва коммуникацияларини ривожлантириш вазирлиги ҳамда маҳаллий ижро этувчи ҳокимият органларининг **2021 йил 1 октябрдан 2022 йил 1 октябрга қадар масканлар негизида “Электрон кузатув масканлари” фаолиятини ташкил этиш бўйича эксперимент ўтказиш тўғрисидаги таклифи маъқуллансин.**

3. Белгилансинки, эксперимент доирасида:

тадбиркорлик субъектларига бериладиган масканлар ва уларнинг бинолари атрофидаги ер участкаларининг **6 квадрат метр** майдонигача “Электрон кузатув масканлари”ни жойлаштириш учун, қолган қисми тадбиркорлик фаолиятини юритиш учун (енгил конструкциялардан барпо этилган, чуқурлаштирилган пойдеворларга ва ер ости иншоотларига (0,5 метрдан кўп) эга бўлмаган, бузиб олиб (бартараф этиб) кўчириш имконияти мавжуд бўлган енгил турдаги қурилмалардан фойдаланиш шарти билан) эксперимент муддатидан қатъи назар, **беш йил муддатга ижара тўловининг “ноль” ставкаси асосида ижарага берилади;**

ижарага берувчи – фуқароларнинг ўзини ўзи бошқариш органлари, **ижарага олувчи** – “Электрон кузатув маскани”ни ташкил этиш учун фуқаролар йиғинларида барпо этилган “Жамоатчилик назорати масканлари”ни белгиланган тартибда ижарага олган юридик ва жисмоний шахслар ҳамда **савдолар ташкилотчиси** – “Электрон онлайн-аукционларни ташкил этиш маркази” давлат унитар корхонаси ҳисобланади;

масканлар ижара шартномаси асосида бериладиган тадбиркорлик субъектлари **“E-auksion” электрон савдо платформасида электрон танлов ўтказиш орқали аниқланади;**

электрон танлов натижаларига кўра масканларни ижарага бериш “E-auksion” электрон савдо платформасида ижарага берувчи ва ижарага олувчи ўртасида электрон шаклда тузиладиган (шу жумладан, электрон рақамли имзо орқали) икки томонлама шартнома орқали расмийлаштирилади;

ижара шартномаси муддати тугагандан сўнг масканларнинг бинолари фуқароларнинг ўзини ўзи бошқариш органларига мулк ҳуқуқи асосида қолдирилади, қолган мол-мулк ва жиҳозлар тадбиркорлик субъекти томонидан эркин тасарруф этилади;

ички ишлар ва фуқароларнинг ўзини ўзи бошқариш органлари тадбиркорлик субъектлари томонидан ижарага олинган масканларда видеокамералар ўрнатилганлиги ва “Электрон кузатув масканлари” ташкил этилганлигини ўрганади;

масканлар негизида “Электрон кузатув масканлари”ни ташкил этиш, уларда видеокамералар ва видео қайд этиш дастурий-техник воситаларнинг техник эксплуатацияси ва узлуксиз ишлашини таъминлаш, шу жумладан, электр энергияси харажатларини қоплаш масканларни ижарага олган тадбиркорлик субъектларининг ўз маблағлари ҳисобидан амалга оширилади.

4. Қуйидагилар:

“Электрон кузатув масканлари” фаолиятини ташкил этиш учун тадбиркорлик субъектларига ижара ҳуқуқи асосида бериладиган “Жамоатчилик назорати масканлари” рўйхати 1-иловага мувофиқ;

“Жамоатчилик назорати масканлари”ни тадбиркорлик субъектларига ижарага бериш учун энг яхши таклифларни танлаб олишга қўйиладиган минимал талаблар ва таклифларни баҳолаш мезонлари 2 ва 3-иловаларга мувофиқ тасдиқлансин.

5. Қорақалпоғистон Республикаси Вазирлар Кенгаши ва вилоятлар ҳокимликлари:

2021 йил 1 октябрга қадар мазкур қарорга 1-иловада кўрсатилган масканлардан (муҳандислик-техник коммуникациялари мавжуд бўлган ёки ўтказиш осон бўлган) фуқароларнинг ўзини ўзи бошқариш органларининг мурожаатига асосан масканларга туташ ҳудуддан **15 квадрат метр ер участкасини ижара ҳуқуқи асосида ушбу қарорнинг 3-бандида белгиланган ижтимоий фойдали мақсадлар учун ажратсин;**

Ўзбекистон Республикаси Давлат активларини бошқариш агентлиги билан биргаликда **икки ҳафта муддатда** мазкур қарорга 4-иловага мувофиқ таркибда масканларни тадбиркорлик субъектларига ижарага бериш учун энг яхши таклифларни танлаб олиш бўйича вақтинчалик ишчи гуруҳ таркибини шакллантирсин;

енгил турдаги қурилмаларга қўйиладиган талаблар намунавий лойиҳаларининг очик ва шаффоф бўлишини ҳамда бу ҳақда оммавий ахборот воситаларида ва маҳаллий ижро этувчи ҳокимият органларининг расмий веб-сайтларида эълон жойлаштирилишини таъминласин.

6. Ўзбекистон Республикаси Ички ишлар вазирлиги:

2021 йил 1 октябрга қадар ижарага бериладиган масканларнинг бинолари атрофидаги ер участкаларида қуриладиган енгил турдаги қурилмаларга қўйиладиган талабларнинг техник топшириғини ишлаб чиқсин ва масканларни тадбиркорлик субъектларига ижарага бериш учун энг яхши таклифларни танлаб олиш бўйича вақтинчалик ишчи гуруҳларга тақдим этсин;

2021 йил 1 ноябрга қадар Маҳалла ва оилани қўллаб-қувватлаш вазирлиги билан келишган ҳолда “Электрон кузатув масканлари”дан фойдаланиш шартлари, уларнинг асосий фаолият йўналишлари ҳамда уларда тунги хизматга жалб қилинган ички ишлар органлари ходимлари фаолиятини ташкил этиш тартибини белгиласин;

2022 йил 1 ноябрга қадар Маҳалла ва оилани қўллаб-қувватлаш вазирлиги ҳамда Қорақалпоғистон Республикаси Вазирлар Кенгаши ва вилоятлар ҳокимликлари билан биргаликда эксперимент натижаларини пухта таҳлил этган ҳолда республика бўйича барча маҳалла фуқаролар

йиғинларида “Электрон кузатув масканлари” фаолиятини жорий этишнинг мақсадга мувофиқлиги ёки мақсадга мувофиқ эмаслиги юзасидан Вазирлар Маҳкамасига асосланган таклифларни киритсин.

7. Ўзбекистон Республикаси Маҳалла ва оилани қўллаб қувватлаш вазирлиги Ички ишлар вазирлиги билан биргаликда “Электрон кузатув масканлари”ни ташкил этиш мақсадида тадбиркорлик субъектларига ижарага бериладиган масканлар бўйича савдоларни ўтказиш учун электрон хизматлар кўрсатилиши бўйича “Электрон онлайн-аукционларни ташкил этиш маркази” давлат унитар корхонаси билан шартномалар тузилишини таъминласин.

8. Қорақалпоғистон Республикаси Вазирлар Кенгаши ва вилоятлар ҳокимликлари, Ўзбекистон Республикаси Давлат активларини бошқариш агентлиги Ички ишлар вазирлиги, Маҳалла ва оилани қўллаб-қувватлаш вазирлиги, Ўзбекистон Миллий телерадиокомпанияси ва Миллий ахборот агентлиги билан биргаликда мазкур қарор билан жорий этилаётган тартибнинг мазмун-моҳияти оммавий ахборот воситаларида кенг ёритилишини таъминласин.

9. Мазкур қарорнинг бажарилишини назорат қилиш Ўзбекистон Республикаси ички ишлар вазири П.Р. Бобожонов зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2021 йил 20 сентябрдаги 588 -сон қарорига
1-илова

**“Электрон кузатув масканлари” фаолиятини ташкил этиш учун
тадбиркорлик субъектларига ижара ҳуқуқи асосида бериладиган
“Жамоатчилик назорати масканлари”
РЎЙХАТИ**

Т/р	Худудлар номи	Туман-шаҳар номи	МФЙ номи
1	Қорақалпоғистон Республикаси	Нукус шаҳри	“Гарезсизлик” МФЙ
		Қўнғирот тумани	“Ажинияз” МФЙ
		Шуманай тумани	“Тозабозор” МФЙ
2	Андижон вилояти	Андижон шаҳри	“Ўзбегим” МФЙ
		Хўжаобод тумани	“Бешкарам” МФЙ
3	Бухоро вилояти	Бухоро шаҳри	“Тўқимачи” МФЙ
			“Пиридастгир” МФЙ
4	Жиззах вилояти	Когон тумани	“Б.Нақшбанд” МФЙ
		Жиззах шаҳри	“Халқобод” МФЙ
		Ш.Рашидов тумани	“Наврўз” МФЙ
5	Қашқадарё вилояти	Фориш тумани	“Қаҳрамон” МФЙ
		Қарши шаҳри	“Оқтепа” МФЙ
		Косон тумани	“Отчопар” МФЙ
		Шаҳрисабз тумани	“Пахтазор” МФЙ
6	Навоий вилояти	Яккабоғ тумани	“Чоршанбе” МФЙ
		Кармана тумани	“Жамбул” МФЙ
		Конимех тумани	“Дехқон” МФЙ
7	Наманган вилояти	Нурота тумани	“Юксалиш” МФЙ
		Наманган шаҳри	“Янги турмуш” МФЙ
		Уйчи тумани	“Даштбоғ” МФЙ
		Норин тумани	“Юксалиш” МФЙ
8	Самарқанд вилояти	Самарқанд шаҳри	“Юксалиш” МФЙ
9	Сирдарё вилояти	“Шўрариқ” МФЙ	
		Ховос тумани	“Тинчлик” МФЙ
		Боёвут тумани	“Бунёдкор” МФЙ
		Сирдарё тумани	“Жўлангар” МФЙ
			“Ширин” МФЙ

Т/р	Худудлар номи	Туман-шаҳар номи	МФЙ номи
10	Сурхондарё вилояти	Ангор тумани	“Наврўз” МФЙ
		Шеробод тумани	“Дўстлик” МФЙ
11	Тошкент вилояти	Ангрен шаҳри	“Мустақиллик” МФЙ
		Оҳангарон тумани	“Эйвалек” МФЙ
		Зангиота тумани	“Иқбол” МФЙ
12	Фарғона вилояти	Фарғона шаҳри	“Маърифат” МФЙ
		Қўқон шаҳри	“43-Навбахор” МФЙ
		Ўзбекистон тумани	“Бозор Яйпан” МФЙ
13	Хоразм вилояти	Урганч шаҳри	“Темир йўлчи” МФЙ
		Шовот тумани	“Туркистон” МФЙ
		Боғот тумани	“Обод” МФЙ

Вазирлар Маҳкамасининг
2021 йил 20 сентябрдаги 588 -сон қарорига
2-илова

**“Жамоатчилик назорати масканлари”нинг биноларини
тадбиркорлик субъектларига ижарага бериш учун энг яхши
таклифларни танлаб олишга қўйиладиган
МИНИМАЛ ТАЛАБЛАР**

1. Худудни тасвирга тушириш ва кузатиш учун видеокузатув **ip** камераси **color full** (камера 8 mp) – **4 та**;
2. Видео тасвирни мониторга чиқариб берувчи қурилма – **1 та**;
3. Видеокузатув камераларига қувват етказиб берувчи қурилма – **1 та**;
4. Тасвирга олинган видео лавҳаларни сақловчи қурилма – **1 та**;
5. “UPS” қурилмаси – **1 та**;
6. Видеокузатув камераларини қурилмаларга улаш учун 5е категорияли SFTP кабелли – **1 та**;
7. Видеокузатув камералари орқали тасвирга олинган лавҳаларни кўриш учун 26 дюймли монитор – **1 та**.

Вазирлар Маҳкамасининг
2021 йил 20 сентябрдаги 588 -сон қарорига
3-илова

**“Жамоатчилик назорати масканлари”нинг биноларини тадбиркорлик
субъектларига ижарага беришда энг яхши таклифларни
БАҲОЛАШ МЕЗОНЛАРИ**

1. Лойиҳа бўйича таклифлар қуйидаги мезонлар асосида баҳоланади:

а) худудни тасвирга тушириш ва кузатиш учун видеокузатув
ір камераси color full (камера 8 mp) сони – энг яхши таклифга **50 балл**;

б) тасвирга олинган видео лавҳаларни сақловчи қурилманинг хотира
ҳажми (гигабайт) – энг яхши таклифга **20 балл**;

в) “UPS” қурилмаси сони – энг яхши таклифга **15 балл**;

г) видеокузатув камералари орқали тасвирга олинган лавҳаларни
кўриш учун монитор ҳажми (дюйм) – энг яхши таклифга **15 балл**.

2. Барча мезонлар бўйича жами максимал балл 100 га тенг бўлиб,
қуйидаги формула асосида ҳар бир мезон бўйича талабгорнинг балли
ҳисобланади:

$$T_{\text{балл}} = (T_{\text{тк}} / T_{\text{макс}}) \times M_{\text{макс}}$$

бунда:

$T_{\text{балл}}$ – талабгор тегишли мезон бўйича олган балл;

$T_{\text{тк}}$ – талабгорнинг тегишли мезон бўйича берган таклифидаги
кўрсаткич;

$T_{\text{макс}}$ – талабгор томонидан тегишли мезон бўйича берилган таклифлар
орасидаги энг яхши кўрсаткич;

$M_{\text{макс}}$ – баҳолаш мезонларининг 1-бандида кўрсатилган ҳар бир мезон
бўйича белгиланган максимал балл.

Мисол учун:

Талабгорлар	“а” мезон	Балл	“б” мезон	Балл	“в” мезон	Балл	“г” мезон	Балл	Жами балл
1-талабгор	7 дона*	50	1024 ГБ	6,7	1 дона	15	32 дюйм	11,2	82,8
2-талабгор	5 дона	35,7	2048 ГБ	13,3	1 дона	15	26 дюйм	9,1	73,1
3-талабгор	4 дона	28,6	3072 ГБ*	20,0	1 дона	15	43 дюйм*	15,0	78,6

Изоҳ. Мезонлар бўйича $T_{\text{макс}}$:

“а” мезон бўйича 1-талабгорнинг таклифи;

“б” мезон бўйича 3-талабгорнинг таклифи;

“в” мезон бўйича барча талабгорларнинг таклифи;

“г” мезон бўйича 3-талабгорнинг таклифи.

Баҳолаш мезонларининг 2-бандида назарда тутилган тартибда ҳар бир мезон бўйича балл ҳисоблангандан сўнг ҳар бир талабгор тўплаган балларнинг жами йиғиндиси ҳисоб-китоб қилинади.

Мисол сифатида кўрсатилган ҳолатда энг юқори балл 1-талабгор томонидан тўпланган ва энг яхши таклиф сифатида эътироф этилади.

Вазирлар Маҳкамасининг
2021 йил 20 сентябрдаги 588 -сон қарорига
4-илова

**“Электрон кузатув масканлари” фаолиятини ташкил этиш
учун тадбиркорлик субъектларининг энг яхши таклифларини
танлаб олиш бўйича маҳаллий ижро этувчи ҳокимият органларида
ташкил этиладиган вақтинчалик ишчи гуруҳнинг намунавий
ТАРКИБИ**

- Лавозими – Қорақалпоғистон Республикаси Вазирлар Кенгаши Раисининг,
бўйича вилоятлар ҳокимларининг молия-иқтисодиёт ва камбағалликни
қисқартириш масалалари бўйича биринчи ўринбосарлари,
ишчи гуруҳ раҳбари
- Лавозими – Қорақалпоғистон Республикаси маҳалла ва оилани қўллаб-
бўйича қувватлаш вазири, вилоятлар маҳалла ва оилани қўллаб-
қувватлаш ҳудудий бошқармалари бошлиқлари
- Лавозими – Қорақалпоғистон Республикаси ички ишлар вазири, Тошкент
бўйича вилояти ички ишлар бош бошқармаси ва вилоятлар ички
ишлар бошқармаларининг бошлиқлари
- Лавозими – Давлат активларини бошқариш агентлигининг
бўйича Қорақалпоғистон Республикаси, вилоятлар ҳудудий
бошқармалари бошлиқлари

Изоҳ. *Ишчи гуруҳ раҳбари заруратга кўра ишчи гуруҳ таркибига бошқа
ташкilotлар раҳбарлари ёки вакиллари ҳам жалб қилишга ҳақли.*

